



Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel
Lvcra, à bono iustoq[ue] Mundi Gubernatore Deo
Distribvta**

Stengel, Georg

Ingolstadij, 1648

§. 5. Quàm vehementer Antiochus mortem timuerit.

[urn:nbn:de:hbz:466:1-52359](#)

§. V.

Quam vehementer Antiochus mortem
timuerit?

Quod etiam in Antiocho demonstratum est, qui, ut mortem euaderet, quid non fecit? immo quid se facturum non simulauit?

1. Cœpit ex graui superbia deductus ad agnitio- 2. Mach.
nem sui venire, diuina ad monitus plaga. 2. II.
Cum nec ipse iam factorem suum ferre posset, ita
ait: *Instum est subditum esse Deo, & mortalem*
non paria Deo sentire. Adeò non mente tan-
tum illuminatus est, sed lingua quoq; er-
rorem suum confitebatur. 3. Ut serio loqui
videretur, etiam opera adiecit. Nam & ci-
nitatem, ad quam festinans veniebat, ut eam
ad solum deduceret, ac sepulchrum congestorum
faceret, nunc optat liberam reddere; & Iude-
os, quos nec sepultura quidem se dignos habitu-
rum, sed auibus ac feris diripiendos traditurū,
& cum parvulis se exterminaturum dixerat,
equales nunc Atheniensibus facturum pollicet-
tur. En ut se emendauit! En ut maleficia
beneficijs compensat! 4. Templum etiam
sanctum, quod prius expoliauerat, optimis do-
nis ornatum, & sancta vasa multiplicaturū,
& pertinentes ad sacrificia sumptus de redditibus
suis præstaturum spondet. Vides ut etiam

Deo

236 Cap. IX. Diuitum, & pauperum

Deo velit satisfacere? 5. Super hac & Iudeum se futurum, & omnem locum terrae perambulaturum, & prædicaturum Dei postulatam promittit. Quid potuit amplius expectari, aut optari? 6. Scripsit & ad Iudeos litteras humanitatis plenissimas. Denique omnem lapidem mouit, & tamen de eo dicitur: *Orabat autem hic sc̄elestus Dominus, à quo non esset misericordiam consecuturus. Igitur homicida, & blasphemus pessimè percussus, & ut ipse alios tractauerat, peregrè in montibus miserabili obitu vita functus est.* Quid ita? cur tanta faciens misericordiam non est consecutus? Respondet Augustinus: *Nemo dignus pœnitere potest, quem non sustineat unitas Ecclesie, & fidei.* Atqui Iudeum se futurum promisit? An non hoc erat in unitatem Ecclesie, & fidei velle venire? Nimirum hæc omnia cogitabat, dicebat, faciebat Antiochus tantum ut sanitatem consequeretur; neque ex animo credebat in Deum Iudeorum, neque verè statuebat seruare religionem ab ipso præscriptam; tantum enim hæc tam speciosa promittebat, ut posset euadere præsentem calamitatem; quasi Deum id lateret, aut diuinus oculus decipi posset. Nimirum usq; adeò potentes isti omnia ponunt

2. Mach.
9.13. & 28.

S. Aug.
de vera
& fals.
pœnit.
cap. 11.

nunt in hac vita, ut mortis effugiendæ causa, quiduis agere, quiduis pati; & vel religionem ipsam, omniaque sacra & profana vendere velint; nihilq; magis quād mortem abominentur. Est enim *mors pessima peccatorum.*

Psal. 33. 28

§. VI.

Quād sit pretiosa mors sanctorum, Sadoth declarauit.

At pauperum *mors pretiosa, quia ipsorum est regnum celorum.* Hinc mortem non for-
midant, sed sperant, tamquam ianuam fe-
licitatis. Simeoni Episcopo & martyri, suc-
cessit in officio Sadoth, apud Persas Chri-
stianorum persecutores; cui quale ostentum
sit visum, ipse clam ad se conuocato clero
in hunc modum exposuit. Vidi, hac nocte,
fratres, per somnum, scalas à terris usque
ad cælum splendide erectas. Ad verticem
earum, in cælo, consistebat, clarissima in-
luce refulgens inclitus martyr SimeonEpi-
scopus; is me ad pedem scalarum in terris
stantem, ita compellabat: *Ascende ad me*
Sadoth, ascende, ne timeas: ego enim heri as-
cendi, tu autem cras asciendes. Quod ego ita
accipio, ut existimem, sicut ille priore anno
pro Christo mortem oppetiit, ita me hoc
anno

Psal. 115.

15.

Matth. 5.

3.

Surius ex

Metaphr.

20. Febr.